

容 宛

齋 丘

題 題

跋 跋



學風

學風

學風

學風



容齋題跋

洪邁撰

中華書局

容齋題跋

目錄

卷之一

跋祕閣書目

跋易舉正

跋孔安國尚書註

跋韓嬰詩外傳

跋白虎通德論

跋方言

跋說文解字

跋資治通鑑

跋真宗實錄

跋汲冢周書

跋大唐說纂

跋開元天寶遺事

跋續會要

跋蔣魏公逸史

跋皇朝百族譜

跋列子

跋尹子

跋隨巢子胡非子

跋戰國策

跋范子計然

跋意林

跋續樹萱錄

跋雲仙散錄

跋孔氏野史

跋後山談叢

跋漢志雜占十八家

跋漢志兵技考

跋冊府元龜

跋晉代名臣文集

跋薛許昌集

跋駱賓王集

跋元子

跋皇甫持正集

跋張騫龍筋鳳髓判

跋文與可丹淵集

卷之二

跋歐陽率更帖

跋蔡君謨帖

跋蔡君謨帖語

蔡君謨書碑

顏魯公帖

趙德甫金石錄

跋黃魯直詩

跋白樂天詩

又

跋歐陽公牡丹釋名

跋韋蘇州集

跋李頎詩

跋杜甫詩

跋張祐詩

跋李益盧綸詩

跋王藥杜鵬

跋徐凝詩

跋梅花詩

跋司空表聖詩

跋黃魯直詩

跋俞似詩

跋吳淑小詞

跋東坡詩

跋李陵詩

跋張文潛詩

容齋題跋卷之一

宋 鄒陽洪邁景廬 撰

明 海隅毛晉子晉 訂

跋祕閣書目

國初承五季亂離之後所在書籍印板至少宏其焚蕩了無孑遺然太平興國中編次御覽引用一千六百九十種其綱目並載於首卷而雜書古詩賦又不及其錄以今攷之無傳者十之七八矣則是承平百七十年翻不若極亂之世姚鉉以大中祥符四年集唐文粹其序有云況今歷代墳籍略無亡逸觀鉉所類文集蓋亦多不存誠爲可歎

跋易舉正

唐蘇州司戶參軍郭京撰易舉正三卷云曾得王輔嗣韓康伯手寫註定傳授真本比較今世流行本及國學鄉貢舉人等本或將經入註用註作經小象中間以下句反居其上又辭註內移後義却

處於前兼有脫遺兩字顛倒謬誤者並依定本舉正其說凡一百三節今略取其明白者二十處載於此坤初六履霜堅冰至象曰履霜陰始凝也馴致其道至堅冰也今本於象文霜字下誤增堅冰二字屯六三象曰卽鹿無虞何以從禽也今本脫何字師六五田有禽利執之無咎元本之字行書向下引脚稍類言字轉寫相仍故誤作言觀註義亦全不作言字釋也比九五象曰失前禽舍逆取順也今本誤倒其句貴亨不利有攸往今本不字誤作小字剛柔交錯天文也文明以止人文也註云剛柔交錯而成文焉天之文也今本脫剛柔交錯一句坎卦習坎上脫坎字垢九四包失魚註云有其魚故失之也今本誤作无魚蹇九三往蹇來正今本作來反困初六象曰入於幽谷不明也今本谷字下多幽字彙象聖人亨以享上帝以養聖賢註云聖人用之上以享上帝而下以養聖賢今

本正文多而大亨三字故註文亦誤增大亨二字
震象曰不喪七鬯出可以守宗廟社稷以爲祭主
也今本脫不喪七鬯一句漸象曰君子以居賢德
善風俗註云賢德以止巽則居風俗以止巽乃善
今本正文脫風字豐九四象遇其夷主吉志行也
今文脫志字中孚象豚魚吉信及也今本及字下
多豚魚二字小過彖柔得中是以可小事也今本
脫可字而事字下誤增吉字六五象曰密雲不雨
已止也註陽已上下故也今本正文作已上故
註亦誤作陽已上故止也既濟象曰既濟亨小小
者亨也今本脫一小字繫辭二多譽四多懼註云
懼近也今本誤以近也字爲正文而註中又脫懼
字雖卦蒙稚而著今本雜誤作雜字予頃於福州
道藏中見此書而傳之及在後省見晁公武所進
易解多引用之世罕有其書也

跋孔安國尚書註

孔安國古文尚書自漢以來不列於學官故左氏
傳所引者杜預輒註爲逸書劉向說苑臣術篇一
章云泰誓曰附下而罔上者死附上而罔下者刑
與開國政而無益於民者退在上位而不能進賢
者逐此所以勸善而黜惡也漢武帝元朔元年詔
責中外不興廉舉孝有司奏議曰夫附下罔上者
死云云其語與說苑所載正同而諸家註釋至於
頗師古皆不能援以爲證今之泰誓初未嘗有此
語也漢宣帝時河內女子得泰誓一篇獻之然年
月不與序相應又不與左傳國語孟子衆書所引
泰誓同馬鄭王肅諸儒皆疑之今不復可攷

跋韓嬰詩外傳

藝文志有韓家詩經韓故內傳外傳韓說五書今
惟存外傳十卷慶曆中將作監主簿李用章序之
命工刊刻於杭其末又題云蒙文相公改章三千
餘字予家有其書百卷第二章載孔子南遊適楚

見處子佩璫而浣乃令子貢以微詞三挑之以是說詩漢廣游女之章其繆戾甚矣他亦無足言

跋白虎通德論

晉唐至今諸儒訓釋六經否則自立佳名蓋各以百數其書曰傳曰解曰章句而已若戰國迄漢則其名簡雅一曰故故者通其指義也書有夏侯解故詩有魯故后氏故韓故也毛詩故訓傳顏師古謂流俗改故訓傳爲詁字失其耳小學有杜林倉頡故二曰微謂釋其微指如春秋有左氏微鐸氏微張氏微虞卿微傳三口通如注丹易通論名爲注君通班固白虎通應劭風俗通唐劉和幾史通韓滉春秋通凡此諸書唯白虎通風俗通僅存耳又如鄭康成作毛詩箋申明其義他書無用此字者論語之學但曰齊論魯論張侯論後來皆不然也

跋方言

今世所傳揚子雲輶軒使者絕域語釋別國方言凡十三卷郭璞序而解之其末又有漢成帝時劉子駿與雄書從取方言及雄答書以子攷之殆非也雄自序所爲文漢史本傳但云經莫大於易故作太玄傳莫大於論語作法言史篇莫善於蒼頡作訓纂歲莫善於虞嵐作州箴賦莫深於離騷反而廣之辭莫麗於相如作四賦雄平生所爲文盡於是矣初無所謂方言漢藝文志小學有訓纂一篇儒家有雄所序三十八篇註云太玄十九法言十三樂四箴二雜賦有雄賦十二篇亦不載方言觀其答劉子駿書稱蜀人嚴君平按君平本姓莊漢顯宗諱莊改曰嚴法言所稱蜀莊沈冥蜀莊之才之珍吾珍莊也皆本字何獨至此書而曰嚴又子駿只從之求書而答云必欲脅之以威陵之以武則縊死以從命也何至是哉既云成帝時子駿與雄書而其中乃云孝成皇帝反覆低悟又書稱

汝穎之間先漢人無此語也必漢魏之際好事者爲之云

跋說文解字

許叔重在東漢與馬融鄭康成不甚相先後而所著說文引用經傳多與今文不同聊撫逐書十數條以示學者其字異而音同者不載所引周易百穀草木麤乎土爲草木麗乎地服牛乘馬爲耒耨音備牛乘馬夕惕若厲爲若夕寅其文蔚也爲斐也乘馬班如爲驪如天地網組爲天地堂壺所引書帝乃俎落爲助乃俎簋三苗爲窶音窶也三苗又闢閭升雲半有半無俎有爪而不敢以據及以相陵儀維縮有稽之句皆云周書今所無也所引詩既伯既禱爲既禱既禱新臺有此爲有批焉得誤草爲安得蕙草論語荷蕢而荷史襲裘爲裼衣又有踐予之足一句孟子源源而來爲源源接浙爲澆浙澆其兩反左傳有涼爲挑涼楚夷爲登音登夷國語從夷來也

飢飯不及壹餐爲餓飯不及一食如此者甚多

跋資治通鑑

司馬公修資治通鑑辟范夢得爲官屬嘗以手帖論續述之要大抵欲如左傳敘事之體又云凡年號皆以後來者爲定如武德元年則從正月便爲唐高祖更不稱隋義寧二年梁開平元年正月便不稱唐天祐四年故此書用以爲法然究其所窮頗有窒而不通之處公意正以春秋定公爲例於未卽位卽書正月爲其元年然昭公以去年十二月薨則次年之事不得復係於昭故定雖未立自當追書然經文至簡不過一二十字一覽可以了解若通鑑則不俾隋煬帝大業十三年便以爲恭皇帝上直至下卷之末恭帝立始改義寧後一卷則爲唐高祖蓋凡涉歷三卷而煬帝固存方書其在江都時事明皇後卷之首標爲肅宗至德元載至一卷之半方書太子卽位代宗下卷云上方勵

精求治不次用人乃是德宗也莊宗同光四年便係於天成以爲明宗而卷內書命李嗣源討鄴至次卷首莊宗方祖潞王清泰三年便標爲晉高祖而卷內書石敬瑭反至卷末始爲晉天福凡此之類殊費分說此外如晉宋諸胡僭國所封建王公及除拜卿相縱悉必書有至二百字者又如西秦丞相南川宣公出連乞都卒魏都坐大官章安侯封懿天部大人白馬文正公崔宏宣都文成王穆觀鎮遠將軍平舒侯燕鳳平昌宣王和其奴卒皆無關於社稷治亂而周勃薦乃不書及書漢章帝行幸長安進幸槐里岐山又幸長平御池陽宮東至高陵十二月丁亥還宮又乙未幸東阿北登太行山至天井關夏四月乙卯還宮又書魏主七月戊子如魚池登青岡原甲午還宮八月己亥如潯澤甲寅登牛頭山甲子還宮如此行役無歲無之皆可省也

跋真宗實錄

司馬遷作史記於封禪書中述武帝神僊鬼竈方士之事其備故王允謂之謗書國朝景德祥符之間王文穆陳文忠陳文僖丁晉公諸人造作天書符瑞以爲固寵容悅之計及真宗上僊王沂公懼貽議後世故請藏天書於梓宮以減迹而實錄之成乃文穆監修其載崇奉宮廟祥雲之鶴惟恐不詳遂爲信史之累與太史公謗書意異而實同也

跋汲冢周書

周書今七十篇殊與尚書體不相類所載事物亦多過實其克商解云武王先入適紂所在射之三發而後下車擊之以輕呂劉名斬之以黃鉞駢諸大白商二女既縊又射之三發擊之以輕呂斬之以玄鉞駢諸小白越六日朝至於周以三首先獻入燎於周廟又用紂於南郊夫武王之伐紂應天順人不過殺之而已紂旣死何至梟戮俘馘且用

之以祭乎其必不然者也又言武王狩事尤爲淫侈至於擒虎二十有二貓二麋五千二百三十五犀十有三麋七百二十有一熊百五十一羆百十八豕三百五十有二貉十有八麂十有六麝五十鹿三千五百有二遂征四方凡懸國九十有九國賦磨億有十萬七千七百七十有九其多如是雖註家亦云武王以不殺爲仁無緣所賦如此蓋大言也王會篇皆大會諸侯及四夷事云唐叔荀叔周公在左太公在右堂下之右唐公虞公南面立焉堂下之左商公夏公立焉四公者堯舜禹湯後商夏卽杞宋也又言俘商寶玉億有百萬所紀四夷國名頗古與獸畜亦奇崛以肅慎爲稷慎獫狁爲穢人樂浪之夷爲良夷姑蔑爲姑妹東夷爲且醢渠搜爲渠叟高句麗爲高夷所敘獫狁人前兒若獫狁立行聲似小兒良夷在子獸名鮮身人首貍其腹炙之藿則鳴揚州禹禹魚人鹿青丘狐九尾

東南夷曰氐乘黃乘黃者似驥背有兩角東越海禽海陽盈車大蟹西南戎曰央林以酋耳酋耳者身若虎豹渠叟以鮑犬者露犬也能飛食虎豹區陽戎以鼈封鼈封者若蜃前後有首蜀人以文翰文翰者若皋雞康民以稗苡其實如李食之宜子北狄州靡費費其形人身枝腫自笑笑則上脣翕其目倉人都郭亦北狄生生若黃狗人面能言奇幹亦北狄善芳頭若雄雞佩之令人不昧正東高夷獫羊獫羊者羊而四角西方之戎曰獨鹿邛邛距虛夫戎文馬而赤鬣竊身目若黃金名古皇之乘白州比閭比閭者其華若羽以其木爲車終行不敗篇末引伊尹朝獻商書云湯問伊尹使爲四方獻令伊尹請令正東以魚皮之裨副醬蛟鼈利劔正南以珠璣瑇瑁象齒文犀正西以丹青白旄江歷珠名龍角正北以橐駝駒騊駼良弓爲獻湯曰善凡此皆無所質信姑錄之以貽博雅者唐

太宗時遠方諸國來朝貢者甚衆服裝詭異顏師古請圖以示後作王會圖蓋取諸此漢書所引天子不取反受其咎母爲權首將受其咎以爲逸周書此亦無之然則非全書也

跋大唐說纂

藝文志有李繁大唐說纂四卷今罕得其書予家有之凡所紀事率不過數十字極爲簡要新史大抵採用之其忠節一門曰武后問石泉令王方慶曰朕夜夢雙陸不勝何也曰蓋謂宮中無子意者恐有神靈傲夫陛下因陳人心在唐之意后大悟召廬陵王復儲位新史載其說通鑑去之似爲可惜

跋開元天寶遺事

俗間所傳淺妄之書所謂雲仙散錄開元天寶遺事之屬皆絕可笑遺事託云王仁裕所著仁裕五代時人雖文章乏氣骨恐不至此姑析其數端以

爲笑其一云姚元崇開元初作翰林學士有步輦之召按元崇自武后時已爲宰相及開元初三人輔弼其二云郭元振少時美風姿宰相張嘉貞欲納爲壻遂牽紅絲線得第三女果隨夫貴遂按元振爲肅宗宰相明皇初年卽貶死後十年嘉貞方作相其三云楊國忠盛時朝之文武爭附之以求富貴惟張九齡未嘗及門按九齡去相位十年國忠方得官耳其四云張九齡覽蘇頌文卷謂爲文陣之雄師按頌爲相時九齡元未達也此皆顯顯可言者固鄙淺不足攻然頗能疑誤後生也惟張彖指楊國忠爲冰山事資治通鑑亦取之不知別有何据近歲興化軍學刊遺事南劍州學刊散錄皆可駁

跋續會要

國朝會要自元豐三百卷之後至崇寧政和間復置局修纂宣和初王黼秉政罷修書五十八所時

會要已進一百十卷餘四百卷亦成但局中欲節次訛實故未及上既有是命局官以謂若朝廷許立限了畢不過三兩月可以投進而繡務悉矯蔡京所爲故一切罷之官吏皆散文書皆爲棄物矣建炎三年外舅張淵道爲太常博士時禮寺典籍散佚亡幾而京師未陷公爲宰相言宜遣官往訪故府取見存圖籍悉輦而來以備掌故此若緩而甚急者也宰相不能用其後逆獮竊據鞠爲煨燼吁可惜哉

跋蔣魏公逸史

蔣魏公逸史賴叔所著也多記當時典章文物之舊有數百冊兵火間盡失之其曾孫帝始拮據遺藁而成此書將以奏御以其副上之太史且板行之傳之天下後世旣而不果蔣公在熙寧元祐崇寧時爲博文強識然聞其論述頗有可議恨不及丞相在日與之言大槩辨訂官制之訛誤也

跋皇朝百族譜

姓氏之書大抵多謬誤如唐貞觀氏族志今已忘其本元和姓纂誕妄最多國朝所修姓源韻譜又爲可笑姑以洪氏一項考之云五代時有洪昌洪杲皆爲參知政事予按此二人乃五代南漢僭主劉龔之子及晟嗣位用爲知政事其兄弟本連弘字以本朝國諱故五代史追改之元非姓洪氏也此與洪慶善序丹陽弘氏云有弘憲者元和四年嘗跋輞川圖不知弘憲乃李吉甫之字耳其誤正同

跋列子

列子書事簡勁宏妙多出莊子之右其言惠益見宋康王說勇有力一段語宛轉四反非數百言曲而暢之不能了而潔淨粹白如此後人筆力果可復到耶

跋尹子

尹文子文僅五千言議論亦非純本黃老者詳味其言頗流而入於兼愛莊子末序天下之治方術者曰不累於俗飾於物不苟於人不忤於衆順天下之安寧以活民命人我之養畢足而止以此白心古之道術有在於是者宋鉉尹文聞其風而悅之作爲華山之冠以自表雖天下不敢強聒而不舍者也其爲人太多其自爲太少蓋亦盡其學云荀卿非十二子有宏鉉而文不預又別一書曰尹子五卷共十九篇其言論膚淺多及釋氏蓋晉宋時細人所作非此之謂也

跋隨巢子胡非子

漢書藝文志墨家有流有隨巢子六篇胡非子三篇皆云墨翟弟子也二書皆不復存馬總意林所述各有一卷隨巢之言曰大聖之行兼愛萬民疎而不絕賢者欣之不肖者憐之賢而不欣是賤德也不肖不憐是忍人也又有鬼神賢於聖人之論

其於兼愛明鬼爲墨之徒可知胡非之言曰勇有五等負長劍赴深淵折蛟龍搏鼉鼉此獵徒之勇也負長劍赴深淵折蛟龍搏鼉鼉此漁人之勇也登高危之上鶴立四望顏色不變此陶岳之勇也剽必刺視必殺此五刑之勇也齊威公以魯爲南境魯憂之曹劇匹夫之士一怒而劫萬乘之師存千乘之國此君子之勇也其說亦卑陋無過人處

跋戰國策

劉向敘戰國策言其書錯亂相採莠本字多脫誤爲半字以趙爲肖以齊爲立如此類者多余按今傳於世者大抵不可讀其韓非子新序說苑韓詩外傳高士傳史記索隱太平御覽北堂書抄藝文類序諸書所引用者多今本所無向博極羣書但擇焉不精不止於文字脫誤而已惟太史公史記所采之事九十有三則明白光艷悉可稽考視向爲有間矣高氏子略曰班固稱太史公取戰國策

楚漢春秋陸賈新語作史記三書者一經太史公
采擇後之人遂以爲天下奇書予惑焉每讀此書
見其叢脞少倫同異錯出事或者於秦齊又復見
於楚趙言辭謀議如出一人之口雖劉向投定卒
不可正其淆駁會其統歸故是書之汨有不可得
而辯者況於楚漢春秋陸賈新語乎二書紀載殊
無奇耳然則太史公獨何有取於此夫載戰國楚
漢之事舍三書他無可考者太史公所以加之采
擇者在此乎柳子厚嘗謂左氏國語其閎深傑異
固世之所耽嗜而不已也而其說多誣淫不槩於
聖余懼世之學者惑其文采而淪於是非作非國
語皆讀是書殊是以子厚言之或過矣反覆戰國
策而後三歎非國語之作其用意切且深也予遂
効此盡取戰國策與史記同異又與說苑新序雜
見者各彙正之名曰戰國策考

跋范子計然

漢書貨殖傳越王句踐困於會稽之上乃用范蠡
計然遂報強吳孟康註曰姓計名然越臣也蔡謨
曰計然者范蠡所著書篇名耳非人也謂之計然
者所計而然也羣書所稱句踐之賢佐種蠡爲首
豈復聞有姓計名然者乎若有此人越但用半策
便以致霸是功重於范蠡而書籍不見其名史還
不述其傳乎顏師古曰蔡說謬矣古今人表計然
列在第四等一名計研班固實錄研桑心計於無
垠卽謂此耳計然者濮上人也嘗南遊越范蠡舉
身事之其書則有萬物錄事見皇覽及晉中經薄
又吳越春秋及越絕書竝作計倪此作倪研及然
聲皆相近實一人耳何云書籍不見哉予按唐貞
元中馬總意林一書抄類諸子百餘家有范子十
二卷云計然者蔡丘濮上人姓辛字文子其先晉
國之公子也爲人有內無外狀貌似不及人少而
明學陰陽見微知著其志沈沈不肯自顯天下莫

知故稱曰計然時遊海澤號曰漁父范蠡請其見越王計然曰越王爲人烏喙不可與同利也據此則計然姓名出處皎然可見裴駟註史記亦知引范子北史蕭大圖云留侯追踪於松子陶朱成衡於辛文正用此事曹子建表引文子李善註以爲計然師古蓋未能盡也而文子十二卷李暹註其序以爲范子所稱計然但其書一切以老子爲宗略無與范蠡謀議之事意林所編文子正與此同所謂范子乃別是一書亦十二卷馬總只載其敘計然及他三事云餘竝陰陽曆數故不取則與文子了不同李暹之說誤也唐藝文志范子計然十五卷註云范蠡問計然答列於農家其是矣而今不存

跋意林

唐世未知尊孟子故意林亦列其書而有差不多者如伊尹不以一介與人亦不取一介於人之類

其他所引書如胡非子隨巢子纏子王孫子公孫尼子阮子生部姚信士緯殷興通語牟子周生列子秦著子梅子任奕子魏朗子唐滂子鄒子孫氏成敗志蔣子譙子鍾子張鑑點記裴氏新書袁淮正書袁子正論蘇子陸子張顯析言于子顧子諸葛子陳子要言符子諸書今皆不傳於世亦有不

跋續樹萱錄

項在祕閣抄書得續樹萱錄一卷其中載隱君子元煥夜見吳王夫差與唐諸詩人吟詠事李翰林詩曰芙蓉露濃紅壓枝幽禽感秋花畔啼玉人一夫未回馬梁間燕子三見歸張司業曰綠頭鴨兒啞萍萍採蓮女郎笑花老杜舍人曰鼓聲夜戰北憲風霜葉浚階貼亂紅三人皆全篇杜工部曰紫領寬袍漉酒巾江頭蕭散作閒人白少傅曰不因霜葉辭林去的當山翁未覺秋李賀曰魚鱗甃空

排嫌碧露桂梢寒掛團壁三人皆未終篇細味其體格語句往往逼真後閱秦少游集有秋興九首皆擬唐人前所載咸在焉闕子東爲秦集序云擬古數篇曲盡唐人之體正謂是也何子楚云續宣錄乃王性之所作而托名他人今其書才有三事其一曰賈博論一曰全若虛一曰元撰詳命名之義蓋取諸子虛亡是公云

跋雲仙散錄

俗間所傳淺妄之書如所謂雲仙散錄老杜事實之類皆絕可笑然士大夫或信之孔傳續六帖采摭唐事殊有工而悉載雲仙錄中事自穢其書近世南劍州學刊散錄可毀

跋孔氏野史

世傳孔毅甫野史一卷凡四十事予得其書於清江劉靖之所載趙清獻爲青城宰犖散樂妓以歸爲邑尉追還大慟且怒又因與妻忿爭由此感志

文潞公守太原辟司馬溫公爲通判夫人生日溫公獻小詞爲都漕唐子房峻責歐陽永叔謝希深田元鈞尹師魯在河南攜官妓遊龍門半月不返留守錢思公作簡招之亦不答范文正與京東人石曼卿劉潛之類相結以取名服中上萬言書甚非言不文之義蘇子瞻被命作儲祥宮記大貂陳衍幹當宮事得旨置酒與蘇高會蘇陰使人發御史董敦逸卽有章疏遂墮計中又云子瞻四六表章不能文字其他如潞公范忠宣呂汲公吳冲卿傳獻簡諸公皆不免譏議予謂決非毅甫所作益魏泰碧雲販之流耳溫公自用龍穎公辟不與潞公子方同時其謬妄不待攻也靖之原甫曾孫佳士也而跋是書云孔氏兄弟曾大父行也思其人欲聞其言久矣故錄而藏之汪聖錫亦書其後但記上官彥衡一事豈弗深考云

跋後山談叢